

**НИЙГМИЙН ДААТГАЛЫН ЕРӨНХИЙ ГАЗАРТ ДЭЭД БАЙГУУЛЛАГААС ИРҮҮЛСЭН ХУУЛЬ ТОГТООМЖ,  
ТОГТООЛ ШИЙДВЭРИЙН БИЕЛЭЛТИЙН ТАЙЛАН**

*/2022 оны жилийн эцсийн байдлаар/*

Шийд вэрийн дэс дугаар	Зүйл заалтын дэс дугаар	Шийдвэрийн нэр, огноо, дугаар, агуулга	Биелэлт
1.		<b><u>2022.10.10</u></b> <b><u>№163</u></b> <b><u>Ажлын хэсэг</u></b> <b><u>байгуулах тухай</u></b>	Үндсэн ажлын хэсгийн гишүүнээр Тамгын газрын дарга Б.Батсүх томилогдон ажилласан бөгөөд Дэд ажлын хэсэгт Мэдээллийн технологийн төвийн Орлогч захирал Д.Энхбат ажилласан. Нийгмийн даатгалын нэгдсэн мэдээллийн сангаас 4 удаа даатгуулагчдын хөдөлмөрийн хөлс, түүнтэй адилтгах орлогын судалгаа /нууцлалтай/-г гарган ажлын хэсгийг мэдээллээр хангасан.
2.	Бүх заалт.	<b><u>2022.12.09</u></b> <b><u>№214</u></b> <b><u>Ажлын хэсэг</u></b> <b><u>байгуулах тухай</u></b>	Нийгмийн даатгалын ерөнхий газрын даргын 2022 оны 12 дугаар сарын 9-ний өдрийн “Ажлын хэсэг байгуулах тухай” А/181 дүгээр тушаалаар иргэд, даатгуулагч, байгууллага, ажил олгогчоос нийгмийн даатгалын байгууллага, албан тушаалтанд гаргасан өргөдөл, гомдлыг холбогдох хууль тогтоомжийн хүрээнд судлан үзэж, шуурхай шийдвэрлэх үүрэг бүхий ажлын хэсгийг байгуулж, шийдвэрлэлтийн дүн, мэдээ авах, дуудлагын төвд ажиллах албан хаагчдын нэрс, хуваарь, баримтлан ажиллах удирдамжийг онцгой анхаарч, биечлэн удирдлага, зохион байгуулалтаар хангаж ажиллахыг Нийслэлийн нийгмийн даатгалын газар, аймгийн нийгмийн даатгалын хэлтсийн дарга нарт тус тус үүрэгжүүлэн өргөдөл, гомдол шуурхай шийдвэрлэх ажлыг зохион байгуулан ажиллалаа. Нийгмийн даатгалын ерөнхий газарт нийт 236 өргөдөл, гомдол ирснийг шийдвэрлэсэн байна
			<b><i>ЗАСГИЙН ГАЗРЫН ТОГТООЛ</i></b>
1.		<b><u>2021.12.14</u></b> <b><u>№374</u></b> <b><u>Тогтоолын</u></b> <b><u>хавсралтад</u></b> <b><u>нэмэлт өөрчлөлт</u></b> <b><u>оруулах тухай</u></b>	Засгийн газрын 2021 оны 12 дугаар сарын 14-ний өдрийн 374 дүгээр тогтоолоор 2020 оны 12 дугаар сарын 9-ний өдрийн 206 дугаар тогтоолын хавсралтад нэмэлт, өөрчлөлтийг оруулсан. Энэхүү тогтоолоор хөгжлийн бодлого, төлөвлөлтийн баримт бичгийн хэрэгжилт, хууль тогтоомж, тогтоол шийдвэрийн биелэлтэд болон байгууллагын үйл ажиллагааг тайлагнах хугацаанд өөрчлөлт орсон бөгөөд уг өөрчлөлтийн дагуу Засгийн газрын үйл ажиллагааны /2020-2024/ хөтөлбөрийн хэрэгжилтийг, Төсвийн ерөнхийлөн захирагч /Хөдөлмөр, нийгмийн хамгааллын сайд/-аас Төсвийн шууд захирагч /Нийгмийн даатгалын ерөнхий газрын дарга/-тай байгуулах гүйцэтгэлийн төлөвлөгөөний биелэлтийг гаргаж хуулийн хугацаанд Хөдөлмөр, нийгмийн хамгааллын яаманд хүргүүлэн ажиллалаа.
2.	5.	<b><u>2021.12.22</u></b> <b><u>№388</u></b> <b><u>Монгол Улсын</u></b> <b><u>2022 оны төсвийн</u></b> <b><u>тухай хуулийг</u></b>	5.1 Нийгмийн даатгалын байгууллагын цахим сургалтын 2022 оны төлөвлөгөөг батлуулан, байцаагч ажилтнуудыг чадавхижуулах, аж ахуйн нэгж байгууллагын албан хаагчдад нийгмийн даатгалын хууль тогтоомж, нийгмийн даатгалын үйлчилгээний талаар мэдээлэл олгох сургалтуудыг цахимаар зохион байгуулж ажиллалаа. 2022 онд Нийгмийн даатгалын байгууллагын цахим хурал, сургалтын үйл ажиллагааг тасралтгүй явуулж, олон албан

		<p><b><u>хэрэгжүүлэх талаар авах зарим арга хэмжээний тухай</u></b></p>	<p>хаагчдыг нэгэн зэрэг сургалт, мэдээллээр шуурхай хангах зорилгоор “Динамик сургалтын платформ”-ыг түрээсээр 5 сар ашиглах, зоом интеграцийн 500 хүний эрхийг 11 сараар ашиглах зэрэг саналыг төсвийн хамт боловсруулан шийдвэрлүүлснээр сургалт, хурал, уулзалтын үйл ажиллагааг цахимаар явуулах нөхцлийг бүрдүүлсэн. ХНХЯ-ны дэргэдэх “Хөдөлмөр эрхлэлтийг дэмжих төсөл”-өөс зарласан Хөдөлмөр, нийгмийн хамгааллын салбарын цахим сургалтын платформыг нэвтрүүлэх тендерийн ажлын даалгаврын санал боловсруулах, програмын хөгжүүлэлтийн явцын сургалт, санал солилцох уулзалтуудад оролцож, “Динамик сургалтын платформ”-ыг хүлээн авах ажлын хэсгийн бүрэлдэхүүнд ажилласан. Тайлант хугацаанд дараах сургалтыг цахимаар зохион байгууллаа. Үүнд: “Байгууллагын нууцын тухай” болон “Хувь хүний нууц” “ХАСХОМ”, “Тэтгэвэр, тэтгэмж хариуцсан байцаагчдын”, “Хяналт шалгалтын байцаагчдын”, “Шинэ ажилтны цуврал сургалт”, аймаг, дүүргийн НДХ-ийн албан хаагчдад зориулсан Монгол үндэсний бичгийн сургалт, “Шүүхийн шинжилгээний үндэсний хүрээлэн”-тэй хамтарсан сургалт, Улсын байцаагчийн шалгалтад бэлтгэх сургалтуудыг зохион байгуулж 1289 албан хаагчийг (давхардсан тоогоор) хамруулсан.</p> <p>5.2. Төрийн хэмнэлтийн тухай хуулиар Засгийн газрын агентлаг тэргүүн дэд, дэд, орлогч даргатай байхыг хориглосны дагуу Хөдөлмөр, нийгмийн хамгааллын сайдын 2022 оны 05 дугаар сарын 20-ны өдрийн А/109 тушаалаар Нийгмийн даатгалын ерөнхий газрын дэд дарга Г.Саранг, мөн оны 06 дугаар сарын 29-ний өдрийн Б/03 дугаар тушаалаар Нийгмийн даатгалын ерөнхий газрын Дэд дарга Т.Батмөнх нарыг албан үүргээс нь тус тус чөлөөлсөн болно.</p> <p>5.3. Хэнтий аймгийн Нийгмийн даатгалын хэлтсийн дарга Ц.Баярмаа нь өндөр насны тэтгэвэр тогтоолгох насанд хүрсэн тул Нийгмийн даатгалын ерөнхий газрын даргын 2022 оны Б/28 дугаар тушаалаар төрийн албанаас чөлөөлөгдсөн. Албан тушаалын онцлогоос шалтгаалан тус хэлтсийн даргын албан үүргийг түр орлон гүйцэтгэгчээр Б.Нямхатанг томилсон.</p> <p>5.4. 2022 онд гадаад албан томилолтын төсөв батлагдаагүй. Нийгмийн даатгалын байгууллага нь сурталчилгааны бүтээгдэхүүн хэвлүүлээгүй бөгөөд нийгмийн даатгалын үйлчилгээг үе шаттайгаар цахим хэлбэрт шилжүүлэх, даатгуулагч иргэд, тэтгэвэр, тэтгэмж авагчид, ажил олгогчдод нийгмийн даатгалын үйлчилгээний мэдээллийг цахим хэлбэрээр буюу байгууллагын веб сайт, социал хуудсаар болон хэвлэл мэдээллийн байгууллагатай хамтран түгээж ажилласан. Мөн Улсын Их Хурлын 2022 оны 4 дүгээр сарын 29-ний өдрийн “Нийгмийн даатгалын сангийн 2022 оны төсвийн тухай хуульд өөрчлөлт оруулах тухай” хуулиар Төрийн хэмнэлтийн тухай хууль батлагдсантай холбоотойгоор нийгмийн даатгалын байгууллагуудын үйл ажиллагааны урсгал зардлын төсвийг 164.0 сая төгрөгөөр бууруулан баталсан байна. Нийгмийн даатгалын ерөнхий газрын Санхүү бүртгэлийн газрын даргын 2022 оны 6 дугаар сарын 24-ний өдрийн “Чиглэл хүргүүлэх тухай” 06/1234 дугаар албан бичгээр аймаг, дүүргийн нийгмийн даатгалын хэлтсийн дарга нарт төсвийн тухай хуулийг хэрэгжүүлж ажиллахад авах зарим арга хэмжээний талаар чиглэлийг хүргүүлэв.</p>
3.	1,2,3	<b><u>2022.01.05</u></b>	“Коронавируст халдварын тархалтын түвшинд үндэслэн хүн, хуулийн этгээдийн үйл

		<b><u>№01</u></b> <b><u>Журам шинэчлэн</u></b> <b><u>батлах тухай</u></b>	ажиллагааг зохицуулах журам”-ыг баримтлан улбар шар түвшинд шилжсэн тул хязгаарлалтгүйгээр үйл ажиллагаагаа хэвийн үргэлжлүүлж ажилласан.
4.	5.	<b><u>2022.01.05</u></b> <b><u>№07</u></b> <b><u>Монгол хэлний</u></b> <b><u>тухай хуулийг</u></b> <b><u>хэрэгжүүлэх зарим</u></b> <b><u>арга хэмжээний</u></b> <b><u>тухай</u></b>	5.4. Нийгмийн даатгалын байгууллагын 2022 оны сургалтын төлөвлөгөөнд “Үндэсний монгол бичгийн ур чадварыг дээшлүүлэх, монгол бичгээр албан бичиг боловсруулах ур чадвар олгох сургалтыг тусгаж хэрэгжилтэд хяналт тавин ажиллалаа. Нийгмийн даатгалын ерөнхий газраас салбарын байцаагч ажилтнуудын монгол бичгийн ур чадварыг дээшлүүлэх Монгол бичгийн цахим сургалтыг 2022 оны 5 дугаар сарын 19-ний өдрөөс 6 дугаар сарын 30-ны өдрийг дуустал хугацаанд долоо хоног бүрийн Даваа, Пүрэв гаригт зохион байгуулж, салбарын нийт 220 гаруй албан хаагчийг хамруулсан байна. 5.5. Монгол хэлний тухай хууль, Монгол Улсын Засгийн газрын 2020 оны 96 дугаар тогтоолоор баталсан “Монгол бичгийн үндэсний хөтөлбөр III”-т заасны дагуу 2025 оноос төрийн албан хэргийг крилл болон үндэсний монгол бичгээр хөтлөн явуулах, цаашид бүх нийтээр монгол бичигт шилжих ажлын хүрээнд нийгмийн даатгалын салбарын хэмжээнд ажилтнуудын монгол бичгийн чадварыг дээшлүүлэх, улмаар албан хэргээ монгол бичгээр хөтлөх бэлтгэлийг хангах, ажлын байрны хаяг, сургалт сурталчилгааны материалыг монгол бичгээр хослуулан бичиж хэвших зэрэг тодорхой арга хэмжээг үе шаттайгаар хэрэгжүүлэн ажиллах тухай чиглэлийг Нийгмийн даатгалын ерөнхий газрын даргын 2022 оны 01/491 дүгээр албан бичгээр аймаг, дүүргийн Нийгмийн даатгалын хэлтсүүдэд хүргүүлсэн. Энэхүү ажлын хүрээнд нийгмийн даатгалын төв, орон нутгийн байгууллагаас хийж гүйцэтгэсэн ажлын тайланг хагас болон бүтэн жилийн байдлаар нэгтгэн Хөдөлмөр, нийгмийн хамгааллын яаманд хүргүүлэн ажиллалаа.
5.	Бүх заалт	<b><u>2022.02.01</u></b> <b><u>№63</u></b> <b><u>Тэтгэврийн</u></b> <b><u>хэмжээг нэмэгдүү</u></b> <b><u>лэх тухай</u></b>	Засгийн газрын 2022 оны “Тэтгэврийн хэмжээг нэмэгдүүлэх тухай” 63 дугаар тогтоолыг хэрэгжүүлэх ажлын хүрээнд Нийгмийн даатгалын ерөнхий газрын даргын 2022 оны А/17 дугаар тушаалаар баталсан “Нийгмийн даатгалын сангаас олгож байгаа болон цэргийн алба хаасны тэтгэврийн хэмжээг нэмэгдүүлэхэд баримтлах заавар”-ыг боловсруулан 2022 оны 05/221 дүгээр албан бичгээр аймаг, дүүргийн Нийгмийн даатгалын хэлтсүүдэд хүргүүлэн хэрэгжилтэд хяналт тавьж ажиллалаа. Тэтгэвэр нэмэгдүүлэх арга хэмжээний хүрээнд Нийгмийн даатгалын сангаас олгох тэтгэвэр, тэтгэмжийн тухай, Нийгмийн даатгалын сангаас олгох үйлдвэрлэлийн осол, мэргэжлээс шалтгаалсан өвчний тэтгэвэр, тэтгэмж, төлбөрийн тухай, Цэргийн алба хаагчийн тэтгэвэр, тэтгэмжийн тухай хуулийн дагуу олгож байгаа тэтгэврийн хэмжээг 15 хувиар нэмэгдүүлэн, бүрэн тэтгэврийн доод хэмжээг 500 000 төг, хувь тэнцүүлсэн тэтгэврийн доод хэмжээг 400 000 төгрөгт хүргэж 2022 оны 2 дугаар сарын 1-ний өдрөөс эхлэн тэтгэвэр авагчдад тэтгэврийг нэмэгдсэн дүнгээр олгосон болно. Тэтгэвэр нэмэгдүүлэх арга хэмжээний дүнд 2022 оны 1 дүгээр сарын байдлаар тэтгэвэр авч байсан 469.2 мянган хүний тэтгэвэр дунджаар 123.8 мянган төгрөгөөр, үүнээс бүрэн тэтгэвэр авч байсан 385.2 мянган хүний тэтгэвэр дунджаар 129.2 мянган төгрөгөөр, хувь тэнцүүлсэн тэтгэвэр авч байсан 84.1 мянган хүний тэтгэвэр дунджаар 98.7 мянган төгрөгөөр, дундаж тэтгэвэр 425.5 мян.төгрөгөөс 549.3 мянган төгрөгт хүрч дунджаар 123.8 мянган төгрөгөөр буюу 28.5 хувиар нэмэгдсэн. Нийт тэтгэвэр авагчдын 58.1 хувь нь доод хэмжээ (350,000 төг)-

			ний тэтгэвэр авч байсан бол тэтгэвэр нэмэгдүүлэх арга хэмжээний дараа доод хэмжээ (500,000 төг)-ээр тэтгэвэр авагчдын тоо 76.1 хувьд хүрлээ. Тэтгэвэр нэмэгдүүлэхийн өмнө бүрэн тэтгэврийн доод хэмжээнээс дээш (350,001-435,000 төгрөг) тэтгэвэр авч байсан 75.4 мянган хүн, хувь тэнцүүлсэн тэтгэврийн доод хэмжээнээс дээш (300,001-348,000 төгрөг) тэтгэвэр авч байсан 4.4 мянган хүн, нийт 79.8 мянган хүний тэтгэврийн хэмжээ нь тэтгэврийн доод хэмжээ (500,000 төг)-гээр өөрчлөн тогтоогдсон.
6.		<b><u>2022.03.09</u></b> <b><u>№107</u></b> <b><u>Үйлчилгээ</u></b> <b><u>ний албан тушаал</u></b> <b><u>эрхэлдэг төрийн</u></b> <b><u>албан хаагчийн</u></b> <b><u>цалингийн доод</u></b> <b><u>хэмжээг тогтоох</u></b> <b><u>тухай</u></b>	Нийгмийн даатгалын ерөнхий газрын 2022 оны цалингийн санд уг нэмэгдлийг олгох хөрөнгө тусгагдаагүй тул, 2023 оны цалингийн санд өөрчлөлт оруулан олгохоор тусгасан.
7.		<b><u>2022.05.11</u></b> <b><u>№187</u></b> <b><u>Иргэд, олон</u></b> <b><u>нийттэй харилцах</u></b> <b><u>11-11 төвийн үйл</u></b> <b><u>ажиллагаа</u></b> <b><u>ны талаар авах</u></b> <b><u>зарим арга</u></b> <b><u>хэмжээний тухай</u></b>	2022 оны 12 дугаар сарын 31-ний өдрийн байдлаар Засгийн газрын “Иргэд, олон нийттэй харилцах 11-11 төв”-д нийгмийн даатгалын байгууллагатай холбоотой 557 санал хүсэлт, өргөдөл гомдлыг иргэдээс ирүүлсэн бөгөөд өргөдөл гомдлын шийдвэрлэлтийг ажлын 5-10 өдөрт багтаан хариуг өгч ажиллав. Ирсэн санал хүсэлтийн дийлэнхийг тэтгэвэр, тэтгэмж, нийгмийн даатгалын шимтгэл төлөлтэй холбоотой асуудлууд эзэлж байна. Мөн Засгийн газрын “Иргэд, олон нийттэй харилцах 11-11 төв”-д нэр бүхий 8 иргэнээс ирүүлсэн 1.0 сая төгрөгөөс доош цалинтай даатгуулагчийн төлөх нийгмийн даатгалын шимтгэлийн 50.0 хувийн буцаан олголттой холбоотой саналыг Засгийн газраас УИХ-д өргөн барьсан “Нийгмийн даатгалын сангийн 2022 оны төсвийн тухай хуульд өөрчлөлт оруулах тухай хууль”-ийн төсөлд тусгуулахаар, Нийгмийн даатгалын ерөнхий газрын даргын 2022 оны 04 дүгээр сарын 25-ны өдрийн 01/782 дугаар албан бичгээр Хөдөлмөр, нийгмийн хамгааллын яаманд уламжилсан.
8.		<b><u>2022.05.11</u></b> <b><u>№192</u></b> <b><u>Тогтоол,</u></b> <b><u>тогтоолын</u></b> <b><u>хавсралтад</u></b> <b><u>өөрчлөлт оруулах</u></b> <b><u>тухай</u></b>	Нийгмийн даатгалын ерөнхий газрын даргын 2022 оны 09 дүгээр сарын 20-ны өдрийн “Төрийн үйлчилгээний албан хаагчдын цалинг шинэчлэн тогтоох тухай” Б/155 дугаар тушаалын хавсралтаар төрийн үйлчилгээний албан тушаал эрхэлдэг нэр бүхий 12 албан хаагчийн албан тушаалын цалингийн доод хэмжээг шинэчлэн тогтоосон болно. Шинэчлэн тогтоосон цалинг 2022 оны 10 дугаар сарын 03-ны өдрөөс эхлэн тооцон олгохыг үүрэг болгосон байна.
9.		<b><u>2022.05.11</u></b> <b><u>№197</u></b> <b><u>Журам, жагсаалт</u></b> <b><u>батлах тухай</u></b>	Нийгмийн даатгалын байгууллага нь 2015 онд төрийн мэдээллийн нэгдсэн сүлжээнд холбогдсон бөгөөд "Төрийн мэдээллийн нэгдсэн сүлжээг байгуулах, ашиглах журам"-ын дагуу уг сүлжээгээр дамжуулан төрийн 18 байгууллагатай нийгмийн даатгалын 69 төрлийн мэдээлэл /сервис/-ийг солилцож байна. Үйл ажиллагаандаа нууцлал хамгаалал, аюулгүй байдлыг ханган ажиллаж байна.
10.		<b><u>2022.05.18</u></b>	“Нийтийн мэдээллийн ил тод байдлын тухай” хууль, “Хүний хувийн мэдээлэл хамгаалах

		<b><u>№201</u></b> <b><u>Журам батлах</u></b> <b><u>тухай</u></b>	тухай” хуульд заасны дагуу нийгмийн даатгалын байгууллагаас нээлттэй болгох 16 нэр төрлийн өгөгдлийн жагсаалтыг гарган Цахим хөгжил, харилцаа холбооны яаманд хүргүүлсэн. ЦХХХЯ-наас өгсөн чиглэлийн дагуу нээлттэй өгөгдлийн цахим портал "opendata.gov.mn"-д нийгмийн даатгалын байгууллагаас нээлттэй болгох 16 нэр төрлийн 20 мэдээллийг тус бүр 4 хувилбараар, улирал, хагас жилээр байршуулсан. Мөн Нийгмийн даатгалын ерөнхий газрын цахим хуудаст дээрх 16 нэр төрлийн нээлттэй 20 мэдээллийг 4 хувилбараар, улирал, хагас жилийн байдлаар тус тус байршуулсан.
11.	1.1, 1.3, 1.4	<b><u>2022.05.25</u></b> <b><u>№203</u></b> <b><u>Төрийн</u></b> <b><u>хэмнэлтийн тухай</u></b> <b><u>хуулийг</u></b> <b><u>хэрэгжүүлэх зарим</u></b> <b><u>арга хэмжээний</u></b> <b><u>тухай</u></b>	1.1. Төрийн хэмнэлтийн тухай хуулиар Засгийн газрын агентлаг тэргүүн дэд, дэд, орлогч даргатай байхыг хориглосны дагуу Хөдөлмөр, нийгмийн хамгааллын сайдын 2022 оны 05 дугаар сарын 20-ны өдрийн Б/... тушаалаар Нийгмийн даатгалын ерөнхий газрын дэд дарга Г.Саранг, мөн оны 06 дугаар сарын 29-ний өдрийн Б/03 дугаар тушаалаар Нийгмийн даатгалын ерөнхий газрын Дэд дарга Т.Батмөнх нарыг албан үүргээс нь тус тус чөлөөлсөн болно. 1.3. Нийгмийн даатгалын байгууллагын цахим сургалтын 2022 оны төлөвлөгөөг батлуулан, байцаагч ажилтнуудыг чадавхижуулах, аж ахуйн нэгж байгууллагын албан хаагчдад нийгмийн даатгалын хууль тогтоомж, нийгмийн даатгалын үйлчилгээний талаар мэдээлэл олгох сургалтуудыг цахимаар зохион байгуулж ажиллалаа. 2022 онд Нийгмийн даатгалын байгууллагын цахим хурал, сургалтын үйл ажиллагааг тасралтгүй явуулж, олон албан хаагчдыг нэгэн зэрэг сургалт, мэдээллээр шуурхай хангах зорилгоор “Динамик сургалтын платформ”-ыг түрээсээр 5 сар ашиглах, зоом интеграцийн 500 хүний эрхийг 11 сараар ашиглах зэрэг саналыг төсвийн хамт боловсруулан шийдвэрлүүлснээр сургалт, хурал, уулзалтын үйл ажиллагааг цахимаар явуулах нөхцлийг бүрдүүлсэн. 1.4. Төрийн хэмнэлтийн тухай хуулийн 13.3, 13.4 дэх хэсэгт заасан хэрэгжүүлэхийг хориглосон төсөл, хөтөлбөрийг 2022 онд хэрэгжүүлээгүй болно.
12.	1,9	<b><u>2022.05.25</u></b> <b><u>№204</u></b> <b><u>Хууль</u></b> <b><u>хэрэгжүүлэх зарим</u></b> <b><u>арга хэмжээний</u></b> <b><u>тухай</u></b>	Төрийн өмчийн бодлого зохицуулалтын газрын 2022 оны 05 дугаар сарын 22-ны өдрийн А/1/981 дүгээр “Мэдэгдэл хүргүүлэх тухай” албан бичгийн дагуу Төрийн хэмнэлтийн тухай хуулийн хэрэгжилтийг хангах зорилгоор Нийгмийн даатгалын ерөнхий газрын эзэмшилд байсан Хьюндай Соната-8 0370-УНУ, Хьюндай Соната-8 0625-УБҮ, Форд Эверест 0468-УБЯ улсын дугаар бүхий 3 ширхэг тээврийн хэрэгслийг тээврийн хэрэгслийн гэрчилгээ, татвар төлөгчийн гэрчилгээ, автомашины түлхүүрийн хамт 2022 оны 05 дугаар сарын 23-ны өдрийн 09:00 цагт Засгийн газрын Авто баазад хүлээлгэн өгөв. Төрийн өмчийн бодлого зохицуулалтын газрын 2022 оны 9 дүгээр сарын 8-ны өдрийн “Үндсэн хөрөнгө балансаас балансад шилжүүлэх тухай” тогтоолын дагуу Засгийн газрын авто бааз, Эдийн засаг, хөгжлийн яаманд балансаас балансад шилжүүлсэн болно.
13.	Бүх заалт.	<b><u>2022.07.05</u></b> <b><u>№266</u></b> <b><u>Дүрэм шинэчлэн</u></b> <b><u>батлах тухай</u></b>	Засгийн газрын 2022 оны 7 дугаар сарын 5-ны өдрийн 266 дугаар тогтоолоор баталсан “Гомдлын шаардлагын зөвлөлийн дүрэм”-ийн 2.2, 2.4 дэх хэсэгт тус тус заасны дагуу Нийгмийн даатгалын ерөнхий газрын даргын 2022 оны 8 дугаар сарын 29-ний өдрийн А/129 дүгээр тушаалаар Нийгмийн даатгалын ерөнхий газрын дэргэдэх Гомдлын шаардлагын төв зөвлөлийн бүрэлдэхүүнийг баталсан. Тус зөвлөл нь 2022 онд шинэчлэн байгуулагдсанаасаа

			хойш 4 удаа хуралдаж, нийт 31 иргэний асуудлыг хэлэлцэн шийдвэрлэсэн байна. Мөн Нийгмийн даатгалын ерөнхий газрын даргын 2022 оны 9 дүгээр сарын 2-ны өдрийн А/132 дугаар тушаалаар аймаг, дүүргийн нийгмийн даатгалын хэлтсийн дэргэдэх Гомдлын шаардлагын салбар зөвлөлийн бүрэлдэхүүнийг шинэчлэн баталсан. Аймаг, дүүргийн нийгмийн даатгалын хэлтсийн дэргэдэх Гомдлын шаардлагын салбар зөвлөл нь шинэчлэн байгуулагдсанаасаа хойш 4 удаа хуралдаж, нийт 362 иргэний өргөдөл гомдлыг хэлэлцэн, 265 иргэний хүсэлтийг ханган шийдвэрлэж, 90 иргэний хүсэлтийг хууль тогтоомжийн заалтыг хангахгүй гэж үзэн татгалзсан, мөн 7 иргэнээс нэмэлт баримт бүрдүүлж дахин хэлэлцэхээр шийдвэрлэсэн байна.
14.		<b><u>2022.08.24</u></b> <b><u>№314</u></b> <b><u>Соёлын бүтээлч</u></b> <b><u>үйлдвэрлэлийн</u></b> <b><u>тэргүүлэх чиглэл,</u></b> <b><u>арга хэмжээг</u></b> <b><u>батлах тухай</u></b>	Нийгмийн даатгалын ерөнхий газрын газар, хэлтсийн дарга нарт танилцуулж санал авсан боловч тусгайлан санал өгсөн газар хэлтэс байхгүй болно.
15.		<b><u>2022.09.22</u></b> <b><u>№350</u></b> <b><u>Засгийн газрын</u></b> <b><u>үндэсний хороо,</u></b> <b><u>комисс, үндэсний</u></b> <b><u>зөвлөлийн</u></b> <b><u>бүрэлдэхүүнийг</u></b> <b><u>шинэчлэн батлах</u></b> <b><u>тухай</u></b>	
16.		<b><u>2022.12.07</u></b> <b><u>№448</u></b> <b><u>Монгол улсын</u></b> <b><u>2023 оны төсвийн</u></b> <b><u>тухай хуулийг</u></b> <b><u>хэрэгжүүлэх</u></b> <b><u>талаар авах зарим</u></b> <b><u>арга хэмжээний</u></b> <b><u>тухай</u></b>	Уг тогтоолыг Нийгмийн даатгалын ерөнхий газрын хяналтад байгаа тогтоол шийдвэрт бүртгэж авсан бөгөөд хэрэгжилтийг 2023 оны эхний хагас жилийн байдлаар тайлагнана.
17.		<b><u>2022.12.28</u></b> <b><u>№481</u></b> <b><u>Төрийн болон</u></b> <b><u>орон нутгийн</u></b> <b><u>өмчийн талаар</u></b>	Уг тогтоолыг Нийгмийн даатгалын ерөнхий газрын хяналтад байгаа тогтоол шийдвэрт бүртгэж авсан бөгөөд хэрэгжилтийг 2023 оны эхний хагас жилийн байдлаар тайлагнана.

		<b><u>авах зарим арга хэмжээний талаар</u></b>	
18.		<b><u>2022.12.28</u></b> <b><u>№487</u></b> <b><u>Төрийн захиргааны албан тушаалын ангилал, зэрэглэл, албан тушаалын жагсаалтыг шинэчлэн батлах тухай</u></b>	Уг тогтоолыг Нийгмийн даатгалын ерөнхий газрын хяналтад байгаа тогтоол шийдвэрт бүртгэж авсан бөгөөд хэрэгжилтийг 2023 оны эхний хагас жилийн байдлаар тайлагнана.
19.		<b><u>2022.12.28</u></b> <b><u>№488</u></b> <b><u>Төрийн албаны зарим албан тушаалын цалингийн хэмжээ, доод хэмжээг шинэчлэн тогтоох тухай</u></b>	Уг тогтоолыг Нийгмийн даатгалын ерөнхий газрын хяналтад байгаа тогтоол шийдвэрт бүртгэж авсан бөгөөд хэрэгжилтийг 2023 оны эхний хагас жилийн байдлаар тайлагнана.
20.		<b><u>2022.12.28</u></b> <b><u>№490</u></b> <b><u>Журамд өөрчлөлт оруулах тухай</u></b>	Уг тогтоолыг Нийгмийн даатгалын ерөнхий газрын хяналтад байгаа тогтоол шийдвэрт бүртгэж авсан бөгөөд хэрэгжилтийг 2023 оны эхний хагас жилийн байдлаар тайлагнана.
21.		<b><u>2022.12.28</u></b> <b><u>№491</u></b> <b><u>Журамд өөрчлөлт оруулах тухай</u></b>	Уг тогтоолыг Нийгмийн даатгалын ерөнхий газрын хяналтад байгаа тогтоол шийдвэрт бүртгэж авсан бөгөөд хэрэгжилтийг 2023 оны эхний хагас жилийн байдлаар тайлагнана.
<b><i>ЗАСГИЙН ГАЗРЫН ХУРАЛДААНЫ ТЭМДЭГЛЭЛ</i></b>			
1.	Бүх заалт.	<b><u>2021.12.14</u></b> <b><u>№64</u></b> <b><u>Төрийн хяналт шалгалтын нөхцөл байдал, түүнийг хөнгөвчлөх арга хэмжээний талаар</u></b>	Улс орны эдийн засаг болон цар тахлын нөхцөл байдалтай уялдуулан салбарын хэмжээнд гадагшаа чиглэсэн хяналт, шалгалтын ажлыг түр хугацаагаар хойшлуулан зөвлөн туслах үйлчилгээ үзүүлж, дотоодын хяналт шалгалтыг эрчимжүүлж ажиллах талаар 21 аймаг, 9 дүүргийн хэмжээнд 2022 оны 03 дугаар сарын 02-ны өдрийн 07/419 дүгээр албан бичгээр зөвлөмж хүргүүлээ. Харин тайлант хугацаанд Төв, Сүхбаатар, Өвөрхангай аймаг, Баянзүрх дүүргийн Нийгмийн даатгалын хэлтсүүдэд Нийгмийн даатгалын тухай хууль тогтоомжийн хэрэгжилтэд шалгалт хийсэн.
2.	2.	<b><u>2022.01.12</u></b> <b><u>№03</u></b> <b><u>Агентлагийндарга</u></b>	Нийгмийн даатгалын ерөнхий газрын даргаас Нийгмийн даатгалын ерөнхий газрын нэгжийн болон, хэлтсийн дарга нарт өгсөн үүргийн дагуу 0-5 насны хүүхэдтэй 18 албан хаагчид гэрээсээ буюу цахимаар ажиллах боломжийг бүрдүүлэн, “ABLE” програмаар ажлын цагт

		<b><u>нарт</u></b> <b><u>2022.02.16</u></b> <b><u>№11</u></b> <b><u>Агентлагийн дарга</u></b> <b><u>нарт</u></b>	хяналт тавин ажилласан. Төрийн үйлчилгээний хүртээмжийг сайжруулж цахим хэлбэрээр үйлчилгээ үзүүлэх ажлыг өргөжүүлэн дараах ажил үйлчилгээнүүдийг цахимаар үзүүлэх боломжийг бүрдүүллээ. Тухайлбал: 1. Хөдөлмөр, нийгмийн хамгаалын сайд, Эрүүл мэндийн сайдын хамтарсан тушаалын дагуу хөдөлмөрийн чадвар түр алдсаны, жирэмсний болон амаржсаны эмнэлгийн хуудсыг цахимаар олгохтой уялдуулан ажил олгогч болон даатгуулагч эрүүл мэндийн байгууллагаас олгож буй эмнэлгийн хуудсыг цахимаар хүлээн авах нөхцөлийг бүрдүүллээ. Ингэснээр эрүүл мэндийн байгууллагаас илгээсэн албан журмын даатгуулагчийн ХЧТА-ы эмнэлгийн хуудсыг ажил олгогч “Шимтгэлийн цахим систем”-ээр хүлээн авч, тэтгэмжийн тооцооллыг нягтлан шалгаж шаардлагатай тохиолдолд засварлан нийгмийн даатгалын байгууллагад цахимаар илгээх, тэтгэмж олгосон тайланг хэвлэн авч баталгаажуулах боломжтой болсон. 2. Сайн дураар даатгуулагч, сайн дураар даатгуулагч эх “Даатгуулагчид зориулсан вэб” систем, E-Mongolia порталыг ашиглан хөдөлмөрийн чадвар түр алдсаны, жирэмсний болон амаржсаны тэтгэмж авах хүсэлтээ цахимаар гаргах нөхцөлийг бүрдүүллээ. 3. Албан журмын даатгуулагч эх жирэмсэн болон амаржсаны тэтгэмж авах хүсэлтээ дээрх хоёр системээр цахимаар гаргах боломжийг бүрдүүлсэн. Дээрх боломжуудыг бүрдүүлснээр 2022 онд 850 гаруй эрүүл мэндийн байгууллагаас нийтдээ 163.0 мянган эмнэлгийн хуудсыг цахимаар хүлээн авсан байна. 4. Хөдөлмөрийн харилцаа нь дуусгавар болсон даатгуулагч “Даатгуулагчид зориулсан вэб” систем, төрийн цахим үйлчилгээний нэгдсэн портал E-Mongolia-гаар дамжуулан ажилгүйдлийн тэтгэмж авах хүсэлтээ цахимаар гаргах боломжийг бүрдүүлсэн. Үүний үр дүнд 2022 онд нийтдээ 1.6 мянган хүсэлт цахимаар илгээгдсэн байна.
3.	Бүх заалт		
4.		<b><u>2022.03.16</u></b> <b><u>№16</u></b> <b><u>Төсвийн захирагч</u></b> <b><u>нарт</u></b>	Өөрийн хөрөнгөөр зохион байгуулагдах нийт 3,924.1 сая төгрөгийн төсөвт өртөг бүхий 9 худалдан авалт, улсын төсвийн эрх шилжсэн хөрөнгө оруулалтаар 300 сая төгрөгийн төсөвт өртөг бүхий 2 худалдан авалтын төлөвлөгөөг батлан, шалгаруулалтыг “Төрийн худалдан авах ажиллагааны цахим систем”-ээр зохион байгууллаа. Үүнд: 1. Улсын төсвийн хөрөнгө оруулалтаар батлагдсан 2 худалдан авалт: - XI.2.3.1 Нийгмийн даатгалын ерөнхий газрын тоног төхөөрөмж худалдан авах 50,0 сая төгрөгийн төсөвт өртөгтэй хөрөнгө оруулалтын ажлыг 2022 оны 02 дугаар сарын 22-ны өдрөөс 03 дугаар сарын 02-ны өдрийн хооронд зохион байгуулж хөрөнгүүдийг хүлээн авч гэрээний дагуу 44.6 сая төгрөгийн санхүүжилтийг олгон барааг бүртгэлд тусгалаа. - XI.2.2.1 Нийгмийн даатгалын ерөнхий газрын байрны их засварын 250.0 сая төгрөгийн төсөвт өртөгтэй тендерийн ажлыг 2022 оны 02 дугаар сарын 25-ны өдрөөс 03 дугаар сарын 28-ны өдрийн хооронд зохион байгуулсан боловч “Монгол Улсын 2022 оны төсвийн тухай хуульд өөрчлөлт оруулах тухай” хуулиар төсөв хасагдсан байна. 2. Нийгмийн даатгалын сангаас санхүүжүүлэхээр батлагдсан 9 худалдан авалт: - Нийгмийн даатгалын байгууллагын үйл ажиллагаанд ашиглагдах сервер лицензийн худалдан авалтыг 2022 оны 03 дугаар сарын 17-ны өдрөөс 04 дүгээр сарын 18-ны хооронд зохион байгуулж шалгарсан “Ай Ти Зон” ХХК-тай худалдан авалтын гэрээг байгуулж



			<p>гэрээний дүн болох 1,014.2 сая төгрөгийн өртөг бүхий тоног төхөөрөмжийг хүлээн авч бүртгэлд тусгалаа.</p> <ul style="list-style-type: none"> <li>- Ажлын компьютер болон түүний дагалдах тоног төхөөрөмжийн худалдан авалтыг 2022 оны 04 дүгээр сарын 08-ны өдрөөс 05 дугаар сарын 09-ний өдрийн хооронд зохион байгуулж, шалгарсан “Ай Ти Зон ” ХХК-тай худалдан авалтын гэрээг байгуулан гэрээний дүн болох 1,185.1 сая төгрөгийн өртөг бүхий тоног төхөөрөмжийг хүлээн авч бүртгэлд тусгав.</li> <li>- Нийгмийн даатгалын ерөнхий газрын харуул хамгаалалтын үүрэг гүйцэтгэгчийг 2022 оны 06 дугаар сарын 15-ны өдрөөс 22-ны өдрийн хооронд сонгон шалгаруулж 39.5 сая төгрөгийн хамгийн бага үнийн санал ирүүлсэн “Шүтээн-Уул” ХХК-тай ажлын гэрээ байгууллаа.</li> <li>- Нийгмийн даатгалын байгууллагуудын албан хэрэгцээнд шаардлагатай тэтгэврийн хувийн хэрэг хэвлэн нийлүүлэгчийг 2022 оны 06 дугаар сарын 24-ны өдрөөс 07 дугаар сарын 01-ний өдрийн хооронд сонгон шалгаруулж 20.5 сая төгрөгийн хамгийн бага үнийн санал ирүүлсэн “Соёмбопринтинг” ХХК-тай гэрээ байгуулж тэтгэврийн хувийн хэргийг хэвлүүлсэн байна.</li> <li>- Нийгмийн даатгалын байгууллагуудын албан хэрэгцээнд шаардлагатай зөөврийн компьютер, хэвлэх, хувилах төхөөрөмж худалдан авалтыг (зөөврийн компьютер 1, хэвлэх, хувилах төхөөрөмж 2, програм хангамж 3) 3 багц болгон 2022 оны 08 дугаар сарын 23-ны өдрөөс 09 дүгээр сарын 23-ны өдрийн хооронд зохион байгуулж, шалгарсан “Саммит компьютер технологи” ХХК, “Бодь-Электроникс” ХХК, “Ай Ти Зон” ХХК-тай худалдан авалтын гэрээг байгуулан гэрээний дүн болох 933.9 сая төгрөгийн өртөг бүхий тоног төхөөрөмжийг хүлээн авч бүртгэлд тусгав.</li> <li>- Нийгмийн даатгалын байгууллагуудын албан хэрэгцээнд шаардлагатай ажлын компьютер, принтер худалдан авалтыг 2022 оны 10 дугаар сарын 20-ны өдрөөс 11 дүгээр сарын 21-ний өдрийн хооронд зохион байгуулж, шалгарсан “Ай Ти Зон” ХХК-тай худалдан авах гэрээг байгуулан гэрээний дүн болох 157.8 сая төгрөгийн өртөг бүхий тоног төхөөрөмжийг хүлээн авч бүртгэлд тусгалаа.</li> <li>- Нийгмийн даатгалын байгууллагын албан хэрэгцээнд шаардлагатай 47.15 сая төгрөгийн анхан аштын маягтыг шууд гэрээ байгуулан худалдан авав.</li> </ul> <p>Дээрх худалдан авалтуудын сонгон шалгаруулалтыг зохион байгуулснаар нийт 3,974.18 сая төгрөгийн гэрээг байгуулжээ.</p>
5.	4,5.	<p><b><u>2022.03.30</u></b>  <b><u>№18</u></b>  <b><u>Засгийн газрын</u></b>  <b><u>агентлагийн дарга</u></b>  <b><u>нарт</u></b></p>	<p>4. Нийгмийн даатгалын салбарын хэмжээнд удирдлагаас өгсөн үүрэг даалгавар бүрэн хэрэгжсэн.</p> <p>5. Нийгмийн даатгалын салбарын хэмжээнд хэрэгжиж буй хууль тогтоомж, тогтоол шийдвэрийн хэрэгжилт 2022 оны хагас жилийн байдлаар 97,3 хувьтай үнэлэгдсэн. Монгол Улсын Засгийн газрын 2020-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд тусгагдсаны дагуу Сангийн яамнаас Шилэн дансны нэгдсэн цахим хуудас (<a href="https://gap.mof.gov.mn/">https://gap.mof.gov.mn/</a>)-ыг шинээр хөгжүүлэх, шинэчилсэн хувилбарыг 2023 онд нэвтрүүлэх ажил үе шаттайгаар хийгдэж байна. Энэ ажлын хүрээнд шинэчилсэн системд бүртгүүлэх ажлыг зохион байгуулж ажиллах, мөн системийн шинэчлэлтэй холбоотой зохион байгуулах цахим сургалтад тухай бүр оролцох талаар 2022 оны “Чиглэл</p>

			хүргүүлэх тухай” 04/1586 дугаар албан бичгийг Нийгмийн даатгалын төв, орон нутгийн байгууллагуудад хүргүүлж, холбогдох зөвлөгөө мэдээллийг өгч ажиллаж байна.
6.	1,2	<b><u>2022.04.13</u></b> <b><u>№22</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	Нийгмийн даатгалын ерөнхий газрын нэгжийн дарга нар болон аймаг /нийслэл/, дүүргийн Нийгмийн даатгалын хэлтэс /газар/-ийн удирдлага болох нийт 40 албан тушаалтнаас биеийн тамир, спортын чиглэлээр үйл ажиллагаа явуулдаг төрийн бус байгууллагатай эсэх, спортын холбоодын тэргүүний үүрэг хашдаг эсэх, сонгуульт албан тушаалтны ажлыг хавсран гүйцэтгэдэг эсэх талаарх судалгааг авч үзэхэд төрийн бус байгууллагатай 1, спортын холбоодын тэргүүний үүрэг гүйцэтгэдэг 2 албан тушаалтан байна гэсэн судалгаа гарсан байна. Дээрх албан тушаалтнуудад Засгийн газрын хуралдааны 22 дугаар тэмдэглэлийг Хөдөлмөр, нийгмийн хамгааллын яамны Төрийн нарийн бичгийн даргын 2022 оны 03/1063 дугаар албан бичгийн хамт хүргүүлж, спортын чиглэлийн төрийн бус байгууллага эрхлэх, спортын холбооны тэргүүний үүргийг хавсран гүйцэтгэхээс татгалзан, чөлөөлөгдөх арга хэмжээ авч ажиллахыг үүрэг болгов.
7.		<b><u>2022.05.11</u></b> <b><u>№28</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	Цахим гарын үсгийн тухай хууль болон бусад хууль тогтоомжийн хэрэгжилтийг хангах зорилгоор нийгмийн даатгалын үйлчилгээ үзүүлэх, түүнчлэн салбарын хэмжээнд ашиглагдаж буй мэдээллийн системүүдэд нэвтрэх, албан хэрэг хөтлөлт зэрэг ажилд тоон гарын үсэг ашиглах ажлыг шат дараатайгаар нэвтрүүлэхээр төлөвлөж байна. Энэ ажлын хүрээнд нийгмийн даатгалын байгууллагад тоон гарын үсэг ашиглах зааврыг баталсан. Мөн “Үндэсний дата төв”-тэй хамтран нийгмийн даатгалын байцаагч ажилтнуудад тоон гарын үсэг олгох ажлыг зохион байгуулж, нийт 950 ажилтанд тоон гарын үсэг олгоод байна.
8.		<b><u>2022.05.31</u></b> <b><u>№31</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	Улсын их хурлын 2020 оны 45 дугаар тогтоол болон 2021 оны 10 дугаар тогтоолын хэрэгжилтийг ханган, салбарын дунд хугацааны хөгжлийн бодлого, төлөвлөлтийн баримт бичгийг Хөгжлийн бодлого төлөвлөлт, түүний удирдлагын тухай хуулийн 6.5-д заасны дагуу хөгжлийн зорилтот хөтөлбөрт тусган боловсруулах ажлыг эрчимжүүлэх ажлын хүрээнд Нийгмийн даатгалын салбарын хэмжээнд тусгах арга хэмжээний саналыг тус газрын 2023 оны 01 дүгээр сарын 25-ны өдрийн 01/182 тоот албан бичгээр Хөдөлмөр, нийгмийн хамгааллын яаманд хүргүүлсэн.
9.		<b><u>2022.08.17</u></b> <b><u>№41</u></b> <b><u>Агентлагийн дарга</u></b> <b><u>нарт</u></b>	Нийгмийн даатгалын ерөнхий газрын албаны цахим хаяг болох <a href="mailto:undeg@ndaatgal.mn">undeg@ndaatgal.mn</a> цахим шуудангийн системээр дамжуулан иргэдэд шаардлагатай мэдээлэл, мэдэгдэл хүргэж, өргөдөл, гомдлыг хүлээн авч шийдвэрлэн ажиллаж байгаа бөгөөд нийт 77 иргэний хүсэлтэд 100% хариу мэдээлэл хүргүүлсэн байна.
10.		<b><u>2022.08.17</u></b> <b><u>№41</u></b> <b><u>Агентлагийн дарга</u></b> <b><u>нарт</u></b>	Засгийн газрын 2021 оны 12 дугаар сарын 14-ний өдрийн 374 дүгээр “Тогтоолын хавсралтад нэмэлт, өөрчлөлт оруулах тухай” тогтоолын дагуу урт хугацааны хөгжлийн бодлогын баримт бичгийн хэрэгжилтийг 2023 оны 10 дугаар сарын 01-ний өдрийн дотор Хөдөлмөр, нийгмийн хамгааллын яаманд хүргүүлнэ.
11.	2, 3, 4.	<b><u>2022.08.17</u></b> <b><u>№41</u></b> <b><u>Агентлагийн дарга</u></b> <b><u>нарт</u></b>	2. Нийгмийн даатгалын салбарын хэмжээнд удирдлагаас өгсөн үүрэг даалгавар бүрэн хэрэгжсэн. 3.Монгол Улсын Засгийн газрын 2020 оны 206 дугаар тогтоолоор батлагдсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын дагуу Нийгмийн даатгалын ерөнхий газрын даргын 2022

			<p>оны гүйцэтгэлийн төлөвлөгөөний жилийн эцсийн биелэлтийг <b>94,8</b> хувиар дүгнэж “<b>Тодорхой үр дүнд хүрсэн</b>” гэж дүгнэж, үнэлгээний тайланг Нийгмийн даатгалын ерөнхий газрын даргын 2022 оны 01/2344 дүгээр албан бичгээр болон цахимаар Хөдөлмөр, Нийгмийн хамгааллын яаманд хүргүүлсэн.</p> <p>Зохион байгуулалтын нэгжүүдийн 2022 оны эхний хагас жилийн байдлаар гүйцэтгэлийн төлөвлөгөөнд тусгагдсан арга хэмжээний дунджийг 93,4 хувь буюу “Тодорхой үр дүнд хүрсэн” гэж дүгнэж, удирдлагад хүргүүлсэн.</p> <p>4. Дотоод аудит, мониторингийн газрын нэмэлт ажлын төлөвлөгөөнд тусгагдсаны дагуу Нийгмийн даатгалын төв, орон нутгийн байгууллагуудад хүргүүлсэн хариутай бичиг, хугацаатай үүрэг даалгаврын биелэлтэд дүн шинжилгээ хийж цаашид ажилдаа хийж хэвшүүлэх шаардлагатай ажлын саналыг тайлан мэдээний хамт удирдлагад танилцуулсан.</p>
12.		<b><u>2022.09.22</u></b> <b><u>№46</u></b> <b><u>Агентлагийн дарга</u></b> <b><u>нарт</u></b>	Батлагдсан хууль тогтоомж, тогтоол шийдвэр, бодлогын баримт бичгийг Нийгмийн даатгалын ерөнхий газарт хүргэгдэж ирмэгц хяналтад байгаа тогтоол шийдвэрт бүртгэлжүүлэн, дотоод сүлжээгээр салбарын удирдлага болон албан хаагчдад танилцуулан ажиллаж байгаа болно. Мөн Нийгмийн даатгалын ерөнхий газрын холбогдох газраас, хууль тогтоомжтой холбоотой холбогдох чиглэл, зөвлөмжийг аймаг /нийслэл/ дүүргийн Нийгмийн даатгалын хэлтсүүдэд тухай бүр хүргэн ажиллаж байна.
13.		<b><u>2022.10.05</u></b> <b><u>№48</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	2.4 Зөвшөөрлийн харилцааг зохицуулж байгаа захиргааны хэм хэмжээний актад хяналт-шинжилгээ, үнэлгээ хийж, Зөвшөөрлийн тухай хуульд нийцүүлэх арга хэмжээ авч, 2022 оны 10 дугаар сард багтаан хууль зүйн асуудал эрхэлсэн төрийн захиргааны төв байгууллагад хүргүүлэхийг Засгийн газрын гишүүд, төрийн болон нутгийн захиргааны байгууллагад.” гэжээ.
14.	Бүх заалт	<b><u>2022.10.10</u></b> <b><u>№49</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	Төв болон орон нутгийн нийгмийн даатгалын хэлтсүүд client/server програмууд ашигладаг тул “Үндэсний дата төв” УТҮГ-ын үүлэн системд байршуулах боломжгүй болно.
15.		<b><u>2022.11.16</u></b> <b><u>№55</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	Уг тогтоолыг Нийгмийн даатгалын ерөнхий газрын хяналтад байгаа тогтоол шийдвэрт бүртгэж авсан бөгөөд хэрэгжилтийг 2023 оны 1 дүгээр улиралд багтаан Хууль зүй, дотоод хэргийн яаманд хүргүүлсэн байна.
16.		<b><u>2022.11.30</u></b> <b><u>№57</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	Төсвийн хэмнэлтийн тухай хууль болон төсвийн хөрөнгөөр төрийн байгууллагууд шинэ жилийн арга хэмжээ зохион байгуулахгүй байх талаарх чиглэлийг 2022 оны 12 дугаар 12-ны өдрийн 03/2316 дугаар албан бичгээр аймаг /нийслэл/ дүүргийн Нийгмийн даатгалын хэлтсүүдэд хүргүүлэв.
17.		<b><u>2022.12.07</u></b> <b><u>№58</u></b> <b><u>Засгийн газрын</u></b>	Нийгмийн даатгалын төв болон орон нутгийн байгууллагууд нь гадаад томилолтын зардал гаргаагүй, төсвийн хөрөнгөөр шинэ жилийн арга хэмжээ зохион байгуулаагүй бөгөөд урсгал зардлыг 987,3 сая төгрөгөөр хэмнэж ажилласан.

		<b><u>агентлагийн дарга</u></b> <b><u>нарт</u></b>	
18.		<b><u>2022.12.07</u></b> <b><u>№58</u></b> <b><u>Засгийн газрын</u></b> <b><u>агентлагийн дарга</u></b> <b><u>нарт</u></b>	Үндэсний дата төвтэй холбогдон Төрийн мэдээлэл солилцооны “Docx” системийг Эйбл програмтай холбуулахаар тусгай эрх (Токен)-ийг авч, хүсэлтийг 2022 оны 12 дугаар сард “Эйбл Соост” ХХК руу цахимаар илгээсэн. Энэхүү ажлын хэрэгжилтийг 2023 оны эхний хагас жилийн байдлаар тайлагнана.
			<b><i>МОНГОЛ УЛСЫН ЕРӨНХИЙ САЙДЫН АЛБАН ДААЛГАВАР</i></b>
1.	4.	<b><u>2022.07.04</u></b> <b><u>№03</u></b> <b><u>Цахим</u></b> <b><u>шилжилтийг</u></b> <b><u>эрчимжүүлэх</u></b> <b><u>тухай</u></b>	Нийгмийн даатгалын үндсэн үзүүлэлтүүдийн мэдээ, Эрүүл мэндийн даатгалын хамралтын мэдээллийг сар бүр, аймаг, дүүргээр гарган мэдээллээр ханган ажиллав. Үндэсний статистикийн хорооны даргын баталсан маягтын дагуу нийгмийн даатгалын салбарын 2021 оны жилийн эцсийн статистик мэдээллийг Нийгмийн даатгалын ерөнхий газрын даргын 2022 оны 05 дугаар сарын 22-ны өдрийн 01/937, 2022 оны эхний хагас жилийн статистик мэдээллийг 2022 оны 08 дугаар сарын 22-ны өдрийн 01/1494 дүгээр албан бичгээр Хөдөлмөр, нийгмийн хамгааллын яам, Үндэсний статистикийн хороо, Хөдөлмөр, нийгмийн хамгааллын сургалт, үнэлгээ, судалгааны институтэд тус тус хүргүүлэв. “Нийгмийн даатгалын сангийн сарын мэдээний тойм” мэдээг Нийгмийн даатгалын ерөнхий газрын ndaatgal.mn вэбсайтад байршуулав. Хөдөлмөр, нийгмийн хамгааллын яам болон бусад газруудад нийт 36 удаа мэдээ, мэдээлэл хүргүүлэн ажиллав.
			<b><i>НИЙГМИЙН ДААТГАЛЫН ҮНДЭСНИЙ ЗӨВЛӨЛИЙН ТОГТООЛ</i></b>
1.	1,2	<b><u>2021.12.27</u></b> <b><u>№20</u></b> <b><u>Тэтгэвэр авах</u></b> <b><u>дундаж хугацааны</u></b> <b><u>илэрхийлэл</u></b> <b><u>тогтоох тухай</u></b>	Нийгмийн даатгалын үндэсний зөвлөлийн 2021 оны 12 дугаар сарын 27-ны өдрийн 20 дугаар тогтоолоор өндөр насны тэтгэвэр тогтоолгоход баримтлах тэтгэвэр авах дундаж хугацааны илэрхийлэл (“К”)-ийг 2022-2024 онд эмэгтэй даатгуулагчид 22 жил, эрэгтэй даатгуулагчид 15 жилээр тус тус тогтоосон байна. Энэхүү тогтоолыг 2022 оны 01 дүгээр сарын 25-ны өдрийн 05/141 дүгээр албан бичгээр аймаг, дүүргийн нийгмийн даатгалын хэлтсүүдэд хүргүүлэн, чиглэл зөвлөмж өгч мэргэжил арга зүйгээр ханган хэрэгжилтийг зохион байгуулав. Уг зөвлөмжөөр тэтгэвэр авах дундаж хугацааны илэрхийллийг Тэтгэврийн даатгалын шимтгэлийн нэрийн дансны тухай хуулийн дагуу өндөр насны тэтгэвэр тогтоолгох хүсэлт гаргасан даатгуулагчид нэрийн дансны аргаар эсхүл 7 жилийн цалин хөлсний дунджаас тооцон тэтгэвэр тогтоолгох нөхцөлүүдийн аль өөрт ашигтайг сонгох боломжийн талаар мэдээлэл, зөвлөгөө өгч ажиллах талаар чиглэл өгч хэрэгжилтэд хяналт тавин ажиллаж байна.
2.	1,2.	<b><u>2021.12.27</u></b> <b><u>№21</u></b> <b><u>Нэрийн дансны</u></b> <b><u>2021 оны орлогод</u></b> <b><u>тооцох хүүгийн</u></b> <b><u>хэмжээг тогтоох</u></b> <b><u>тухай</u></b>	Нийгмийн даатгалын үндэсний зөвлөлийн 2021 оны 12 дугаар сарын 27-ны өдрийн 21 дүгээр тогтоолоор даатгуулагчийн тэтгэврийн даатгалын шимтгэлийн нэрийн дансны 2021 оны орлогод тооцох жилийн хүүгийн хэмжээг 11,6 хувиар баталсан. Энэхүү тогтоолыг 2022 оны 01 дүгээр сарын 25-ны өдрийн 05/141 дүгээр албан бичгээр аймаг, дүүргийн нийгмийн даатгалын хэлтсүүдэд хүргүүлэн, чиглэл зөвлөмж өгч мэргэжил арга зүйгээр ханган хэрэгжилтийг зохион байгуулав. Уг албан бичгээр даатгуулагчийн нэрийн дансны холбогдох мэдээллийг “Нийгмийн даатгал” аппликейшн, нийгмийн даатгалын байгууллагын www.ndaatgal.mn цахим хуудас дахь “Даатгуулагчид зориулсан вэб” зэргээс харах, татах,

			хэвлэж авах боломжийн талаар мэдээлэл, зөвлөгөө өгч ажиллах чиглэл, зөвлөмжийг аймаг, дүүргийн нийгмийн даатгалын хэлтсүүдэд өгч, хэрэгжилтэд хяналт тавин ажиллалаа. Мөн Нийгмийн даатгалын үндэсний зөвлөлийн 2021 оны 21 дүгээр тогтоолын дагуу нэрийн дансны програмд даатгуулагчдын нэрийн дансны 2020 оны эцсийн үлдэгдэл, 2021 оны шимтгэлийн орлогод хүү тооцох ажлыг 2022 оны 1 дүгээр улиралд багтаан зохион байгуулах, нэрийн дансны 2021 оны мэдээлэх хуудсыг даатгуулагчийн нийгмийн даатгалын цахим дэвтэр, <a href="http://www.ndaatgal.mn">www.ndaatgal.mn</a> вэб сайтын даатгуулагчид зориулсан вэб, “Нийгмийн даатгал” аппликейшн, ХУР систем, E-Mongolia зэрэгт цахимаар мэдээлэх боломжийг бүрдүүлэх талаар 2022 оны 01 дүгээр 06-ны өдрийн 05/29 дүгээр албан бичгээр Мэдээллийн технологийн төвд хүргүүлэн, хэрэгжилтийг зохион байгуулан ажиллаж байна. Тэтгэврийн даатгалын шимтгэлийн нэрийн дансанд 2021 оны жилийн эцсийн байдлаар 1.5 сая даатгуулагчийн 24.2 их наяд төгрөгийн шимтгэл болон шимтгэлд тооцсон хүүг хийсвэрээр бүртгэв. Мөн нэрийн дансны тооцоолол, үлдэгдэл шалгах, тэтгэвэр тооцох програмд 95.5 мянган даатгуулагч тэтгэврийн нэрийн дансны үлдэгдлээ, 49.4 мянган даатгуулагч ирээдүйд авах тэтгэврийн тооцооллоо өөрөө тооцоолж үзсэнээр нийгмийн даатгалын үйлчилгээг цахимаар шуурхай үзүүлэв.
3.	1,2,3	<b><u>2021.12.27</u></b> <b><u>№23</u></b> <b><u>2022 оны төсвийн хуваарь батлах тухай</u></b>	Нийгмийн даатгалын сангийн 2022 оны төсвийн тухай хууль, Нийгмийн даатгалын тухай хуулийн 27 дугаар зүйлийн 3 дахь хэсгийн 6 дахь заалтыг хэрэгжүүлэх ажлын хүрээнд “Нийгмийн даатгалын сангийн 2022 оны төсвийн нарийвчилсан хуваарь”, “Аймаг, нийслэл, дүүргийн Нийгмийн даатгалын сангийн орлого зарлагын 2022 оны төсвийн хуваарь”, “Нийгмийн даатгалын байгууллагуудын үйл ажиллагааны урсгал зардлын 2022 оны төсвийн хуваарь”-ийг тус тус боловсруулан Нийгмийн даатгалын үндэсний зөвлөлийн “2022 оны төсвийн хуваарь батлах тухай” 2022 оны 02 дугаар сарын 23-ны өдрийн 23 дугаар тогтоолоор батлуулан Нийгмийн даатгалын ерөнхий газрын даргын 2022 оны 01 дүгээр сарын 13-ны өдрийн 01/84 дүгээр албан бичгээр аймаг, дүүргийн нийгмийн даатгалын хэлтсүүдэд хүргүүлэн хэрэгжилтэд хяналт тавин ажиллаж байна.
4.	1,2,4	<b><u>2021.12.28</u></b> <b><u>№24</u></b> <b><u>Тогтоолд өөрчлөлт оруулах тухай</u></b>	Уг тогтоолын дагуу “Капитал банк” ХХК дахь банкны эрх хүлээн авагчаас 22.15 тэрбум төгрөгийн өртөгтэй 86 хөрөнгө хүлээн авч данс бүртгэлд тусгасан болно.
5.	1,2	<b><u>2022.02.23</u></b> <b><u>№01</u></b> <b><u>Өр төлбөрт хөрөнгө хүлээн авах тухай</u></b>	Уг тогтоолоор “Капитал банк” ХХК дахь банкны эрх хүлээн авагчаас нэхэмжилсэн сангийн төлбөрт хөрөнгө тооцон авах зөвшөөрөл олгогдож холбогдох ажлуудыг зохион байгуулахыг Нийгмийн даатгалын ерөнхий газарт даалгасан. Үүнд: Тогтоолоор “Капитал банк” ХХК дахь банкны эрх хүлээн авагчаас 25.9 тэрбум төгрөгийн үнэлгээтэй 86 ширхэг үл хөдлөх хөрөнгийг нийгмийн даатгалын сангийн нэхэмжилсэн өр төлбөрт суутган авахыг зөвшөөрсөн боловч 2.9 тэрбум төгрөгийн үнэлгээтэй 32 ширхэг хөрөнгүүдийг хүлээн авч нягтлан бодох бүртгэлд бүртгэх ажлууд хийгдлээ. Нийгмийн даатгалын үндэсний зөвлөлийн 2022 оны 01 дүгээр тогтоолоор батлагдсан хөрөнгийн мөнгөн дүн, тоо ширхэг өөрчлөгдсөн нь дараах шалтгаантай байна. Үүнд:

			<p>1. Дээрх хөрөнгүүдийг Эрүүл мэндийн даатгалын ерөнхий газар авахаар санал гаргасан тул харилцан тохиролцож 8.4 тэрбум төгрөгийн 22 ширхэг хөрөнгийг сонгосон.</p> <p>2. Нийгмийн даатгалын ерөнхий газраас 8.8 тэрбум төгрөгийн 8 ширхэг хөрөнгийг дахин үнэлгээ хийлгэхээр хүсэлт гаргасан.</p> <p>3. Нийгмийн даатгалын ерөнхий газар, Эрүүл мэндийн даатгалын ерөнхий газраас үнэлгээ өндөр хэмээн 5.7 тэрбум төгрөгийн 25 ширхэг хөрөнгийг хүлээн авахаас татгалзсан.</p> <p>Нийгмийн даатгалын үндэсний зөвлөлийн 2022 оны 01 дүгээр тогтоолоор баталсан “Капитал банк” ХХК пахь банкны эрх хүлээн авагчаас нэхэмжилсэн сангийн төлбөрт тооцон авах мөнгөн дүн дээрх шалтгаанаар өөрчлөгдсөн тул тус тогтоолын Нэг дэх хэсгийн хөрөнгийн нийт мөнгөн дүн, тоо ширхэгт өөрчлөлт оруулан хавсралтыг хүчингүй болгон дахин шинэчлэн батлуулах санал хүсэлтийг Нийгмийн даатгалын үндэсний зөвлөлд гаргасан болно.</p> <p>Мөн “Капитал банк” ХХК дахь банкны эрх хүлээн авагчаас нэхэмжилсэн сангийн төлбөрт шилжүүлэн хүлээн авсан хөрөнгийг худалдан борлуулахаар “Нийгмийн даатгалын сангийн авлагад үл хөдлөх хөрөнгийг хүлээн авах, хадгалах, хамгаалах, ашиглах, түрээслүүлэх, худалдан борлуулах журам”-ын хэрэгжилтийг ханган дуудлага худалдааг 2022 оны 06 дугаар сарын 28, мөн оны 08 дугаар сарын 17, 09 дүгээр сарын 27, 11 дүгээр сарын 08-ны өдрүүдэд тус тус зарлан 1,8 тэрбум төгрөгийн 6 ширхэг хөрөнгийг 1,9 тэрбум төгрөгөөр худалдан борлуулсан.</p>
6.	1,2,3,4	<p><b><u>2022.02.23</u></b>  <b><u>№02</u></b>  <b><u>2022 оны</u></b>  <b><u>ТОДОТГОСОН</u></b>  <b><u>ТӨСВИЙН ХУВААРЬ</u></b>  <b><u>БАТЛАХ ТУХАЙ</u></b></p>	<p>Нийгмийн даатгалын сангийн 2022 оны төсвийн тухай хууль, Нийгмийн даатгалын тухай хуулийн 27 дугаар зүйлийн 3 дахь хэсгийн 6 дахь заалтыг хэрэгжүүлэх ажлын хүрээнд Нийгмийн даатгалын сангийн 2022 оны тодотгосон төсвийн нарийвчилсан хуваарь, “Аймаг, нийслэл, дүүргийн нийгмийн даатгалын сангийн орлого, зарлагын 2022 оны тодотгосон төсвийн хуваарь”-ийг тус тус боловсруулан Нийгмийн даатгалын үндэсний зөвлөлийн “2022 оны тодотгосон төсвийн хуваарь батлах тухай” 2022 оны 02 дугаар сарын 23-ны өдрийн 02 дугаар тогтоолоор батлуулан Нийгмийн даатгалын ерөнхий газрын даргын 2022 оны 03 дугаар сарын 16-ны өдрийн 01/494 дүгээр албан бичгээр аймаг, дүүргийн нийгмийн даатгалын хэлтсүүдэд хүргүүлэн хэрэгжилтэд хяналт тавин ажиллаж байна.</p>
7.		<p><b><u>2022.08.01</u></b>  <b><u>№04</u></b>  <b><u>Оршуулгын</u></b>  <b><u>ТЭТГЭМЖИЙН</u></b>  <b><u>ХЭМЖЭЭГ ШИНЭЧЛЭН</u></b>  <b><u>ТОГТООХ ТУХАЙ</u></b></p>	<p>Нийгмийн даатгалын үндэсний зөвлөлийн 2022 оны 08 дугаар сарын 01-ний өдрийн “Оршуулгын тэтгэмжийн хэмжээг шинэчлэн тогтоох тухай” 04 дүгээр тогтоолоор Нийгмийн даатгалын сангаас олгох тэтгэвэр, тэтгэмжийн тухай хуулийн 20 дугаар зүйлд заасан нөхцөлийг хангасан даатгуулагчийн оршуулгын тэтгэмжийн болон Цэргийн алба хаагчийн тэтгэвэр, тэтгэмжийн тухай хуулийн 20 дугаар зүйлд заасан нас барагчийн ар гэрт олгох тэтгэмжийн хэмжээг хоёр сая төгрөг (2 000 000)-өөр шинэчлэн, оршуулгын тэтгэмж олгох нөхцөлийг хангасан, амьгүй донор болж эс, эд, эрхтнээ бусдад шилжүүлсэн даатгуулагчийн ар гэрт олгох оршуулгын тэтгэмжийн хэмжээг гурван сая таван зуун мянган төгрөг (3 500 000)-өөр тус тус тогтоож, 2023 оны 01 дүгээр сарын 01-ний өдрөөс мөрдөхөөр шийдвэрлэсэн. Иймд нийгмийн даатгалын сангаас оршуулгын тэтгэмж олгоход Нийгмийн даатгалын ерөнхий газрын даргын 2022 оны А/72 дугаар тушаалаар баталсан “Тэтгэмж тогтооход шаардагдах баримт бичгийг бүрдүүлэх, хянах журам”-ыг баримтална. Харин</p>

			<p>амьгүй донор болж эс, эд, эрхтнээ бусдад шилжүүлсэн даатгуулагчийн ар гэрт оршуулгын тэтгэмж олгохдоо энэхүү журмын 3.12-т заасан баримт бичгээс гадна Эрүүл мэндийн хөгжлийн төвийн эс, эд, эрхтэн шилжүүлэн суулгах үйл ажиллагааг зохицуулах албанаас Эрүүл мэндийн сайдын баталсан маягтын дагуу олгосон “Даатгуулагчийг донор болж эс, эд, эрхтнээ бусдад шилжүүлэхээр болсон талаарх тодорхойлолт”-ыг үндэслэнэ. Амьгүй донор болж эс, эд, эрхтнээ бусдад шилжүүлсэн даатгуулагчийн ар гэрт оршуулгын тэтгэмж (3 500 000 төгрөг) олгосон тохиолдолд 2 000 000 төгрөгийн оршуулгын тэтгэмжийг давхардуулан олгохгүй. Энэ тохиолдолд 2022 онд нас барсан даатгуулагчийн ар гэрээс оршуулгын тэтгэмж авах хүсэлтээ Нийгмийн даатгалын сангаас олгох тэтгэвэр, тэтгэмжийн тухай хуулийн 24 дүгээр зүйлийн 4 дэх хэсгийн 2-т заасан хугацаанд багтааж гаргасан нь 2023 он дамжсан бол энэ зөвлөмжид заасан хэмжээ (2 000 000 төгрөг)-гээр оршуулгын тэтгэмжийг олгоно. Харин шинээр тогтоосон амьгүй донор болж эс, эд, эрхтнээ бусдад шилжүүлсэн даатгуулагчийн ар гэрт олгох оршуулгын тэтгэмжийг 2023 оны 01 дүгээр сарын 01-ний өдөр ба түүнээс хойш уг тэтгэмжийг авах эрх үүссэн тохиолдолд олгоно.</p>
			<b><i>БУСАД /хамтарсан тушаал/</i></b>
1.		<p><b><u>2021.12.30</u></b> <b><u>№704</u></b> <b><u>Үндсэн хөрөнгийн</u></b> <b><u>ашиглалтын</u></b> <b><u>хугацаа сунгах,</u></b> <b><u>үнийг шинэчлэн</u></b> <b><u>тогтоох</u></b> <b><u>зөвшөөрөл олгох</u></b> <b><u>тухай</u></b></p>	<p>Төрийн өмчийн бодлого зохицуулалтын газрын 2021 оны 12 дугаар сарын 30-ны өдрийн 704 дүгээр тогтоол, Нийгмийн даатгалын ерөнхий газрын даргын 2022 оны А/179 дүгээр тушаалын дагуу хөрөнгийн ашиглалтын хугацаа, үнийг шинэчлэн тогтоох ажлыг холбогдох хууль тогтоомжийн дагуу Өмч хамгаалах байнгын зөвлөлийн хяналт дор зохион байгуулж, төв, орон нутгийн нийгмийн даатгалын байгууллагуудын үндсэн хөрөнгөд бүртгэлтэй, элэгдлээрээ анхны өртгөө нөхсөн боловч цаашид ашиглаж болох 312 нэрийн 1,039 ширхэг нийт 2,575,989,345.10 төгрөгийн балансын үнэ, хуримтлагдсан үнэ бүхий хөрөнгийг данснаас хасаж нийт 779,457,656.63 төгрөгөөр үнэлгээг шинэчлэн тогтоож, ашиглах хугацаа, шинэчлэн тогтоосон үнээр нягтлан бодох бүртгэлд тусгасан. Хөрөнгийн хөдлөлийг зохих хууль тогтоомж, журмын дагуу нягтлан бодох бүртгэл, санхүүгийн тайланд тусгаж “Төрийн болон орон нутгийн өмчийн удирдлагыг мэдээлэлжүүлэх систем”-д тухай бүр бүртгэсэн болно. Уг ажлын биелэлтийг Нийгмийн даатгалын ерөнхий газрын даргын 2022 оны 04 дүгээр сарын 01-ний өдрийн 01/611 дүгээр албан бичгээр Төрийн өмчийн бодлого зохицуулалтын газарт хүргүүлсэн.</p>
2.		<p><b><u>2021.12.30</u></b> <b><u>№721</u></b> <b><u>Хөрөнгө акталж,</u></b> <b><u>данснаас хасах</u></b> <b><u>зөвшөөрөл олгох</u></b> <b><u>тухай</u></b></p>	<p>Төрийн өмчийн бодлого зохицуулалтын газрын 2021 оны 12 дугаар сарын 30-ны өдрийн 721 дүгээр тогтоол, Нийгмийн даатгалын ерөнхий газрын даргын А/180 дугаар тушаалын дагуу төв, орон нутгийн нийгмийн даатгалын байгууллагуудын үндсэн хөрөнгөд бүртгэлтэй ашиглалтын хугацаа дууссан, элэгдлээрээ анхны өртгөө нөхсөн, эвдэрч гэмтсэн, сэргээн засварлаж цаашид ашиглах боломжгүй болсон нийт 134 нэр төрлийн 1,020 ширхэг 271,262,962.80 төгрөгийн балансын үнэ бүхий хөрөнгийг холбогдох хууль тогтоомж, журмын дагуу Өмч хамгаалах байнгын зөвлөлийн хяналт дор актлах ажлыг зохион байгуулж, данс бүртгэлээс хассан. Хөрөнгийн хөдлөлийг зохих журмын дагуу нягтлан бодох бүртгэл, санхүүгийн тайланд тусгаж, “Төрийн болон орон нутгийн өмчийн удирдлагыг мэдээлэлжүүлэх систем”-д тухай бүр бүртгэсэн болно. Уг ажлын биелэлтийг Нийгмийн даатгалын ерөнхий газрын даргын 2022 оны 04 дүгээр сарын 01-ний өдрийн 01/611 дүгээр</p>

			албан бичгээр Төрийн өмчийн бодлого зохицуулалтын газарт хүргүүлсэн.
3.		<b><u>2022.11.11</u></b> <b><u>03/2951</u></b> <b><u>Чиглэл хүргүүлэх</u></b> <b><u>тухай</u></b>	Хөдөлмөр, нийгмийн хамгааллын яамны Төрийн нарийн бичгийн даргаас ирүүлсэн “Чиглэл хүргүүлэх тухай” 03/2951 дугаар албан бичгийг Нийгмийн даатгалын ерөнхий газрын нэгжийн дарга нарт танилцуулан үйл ажиллагаандаа мөрдлөг болгон ажиллахыг үүрэг болгосон.

---oOo---